
Urden da gestiun dal Cussegl grond (UGCG)

Midada dals [Data]

Relaschs tangads da questa fatschenta (numers dal DG)

Nov:	—
Midà:	170.140
Aboli:	—

Il Cussegl grond dal chantun Grischun,

sa basond sin l'art. 32 al. 1 da la Constituziun chantunala,
sunter avair gi' invista da la missiva da la Regenza dals ...,

concluda:

I.

Il relasch "Urden da gestiun dal cussegl grond (UGCG)" DG [170.140](#) (versiun dals 01-01-2025) vegn midà sco suonda:

Art. 11a (nov)

Procedura da circulaziun

¹ Davart ina fatschenta poi vegnir votà en scrit en la procedura da circulaziun, sche naginas commembras e nagins commembers na refusan quai.

² Las disposiziuns generalas davart la procedura, en spezial l'artitgel 11 alinea 3, valan conform al senn per la procedura da circulaziun.

Art. 11b (nov)

Sesidas virtualas

¹ Sch'i n'è betg pussaivel da sa radunar fisicamain, po la presidenta u il president dal Cussegl grond concluder da far ina sesida virtuala.

² Ina commembra u in commember da la Conferenza da las presidentas e dals presidents po sa participar virtualmain ad ina sesida fisica, sche tant ella u el sco er sia substituta u ses substitut na pon betg sa participar fisicamain a la sesida pervia d'ina ordinaziun uffiziala u pervia d'in cas da forza superiura.

Art. 14a (nov)

Procedura da circulaziun

¹ Davart ina fatschenta poi vegnir votà en scrit en la procedura da circulaziun, sche naginas commembras e nagins commembers na refusan quai.

² En la procedura da circulaziun n'èsi betg permess da realisar elecziuns secretas.

³ Las disposiziuns generalas davart la procedura, en spezial l'artitgel 14, valan conform al senn per la procedura da circulaziun.

Art. 14b (nov)

Sesidas virtualas

¹ Sch'i n'è betg pussaivel da sa radunar fisicamain, po la presidenta u il president concluder da far ina sesida virtuala.

² Ina commembra u in commember da la cumissiun po sa participar virtualmain ad ina sesida fisica, sch'ella u el na po betg sa participar fisicamain a la sesida pervia d'ina ordinaziun uffiziala u pervia d'in cas da forza superiura.

³ Las commembras ed ils commembers che sa participeschan virtualmain a la sesida, han ils medems dretgs sco las commembras ed ils commembers che sa participeschan fisicamain. La participaziun ad elecziuns secretas tenor l'artitgel 58 alinea 1 da la Lescha davart il Cussegl grond¹⁾ è esclusa.

Titel suenter Art. 48 (nov)

3.1^{bis} Sesidas virtualas dal Cussegl grond

Art. 48a (nov)

Sesidas virtualas dal Cussegl grond

¹ Sch'i n'è betg pussaivel da sa radunar fisicamain, po la Conferenza da las presidentas e dals presidents concluder da manar tras las sesidas dal Cussegl grond en moda virtuala. Conclus divergents dal Cussegl grond restan reservads.

² Tractativas secretas tenor l'artitgel 44 da la Lescha davart il Cussegl grond²⁾ ed elecziuns secretas tenor l'artitgel 58 alinea 1 da la Lescha davart il Cussegl grond³⁾ na dastgan betg avair lieu en moda virtuala.

¹⁾ DG [170.100](#)

²⁾ DG [170.100](#)

³⁾ DG [170.100](#)

³ Votaziuns na vegnan betg repetidas, sche motivs technics han impedi commembras e commembers dal Cussegl grond da s'exprimer u da votar durant la debatta.

⁴ Al Cussegl grond ed a la publicitad vegni communitgà, sche las sesidas dal Cussegl grond han lieu en moda virtuala.

Art. 48b (nov)

Participaziun virtuala a las sesidas dal Cussegl grond

¹ A commembras e commembers dal Cussegl grond, che na pon betg sa participar fisicamain a las sesidas dal Cussegl grond pervia d'ina ordinaziun uffiziala u pervia d'in cas da forza superiura, po la Conferenza da las presidentas e dals presidents permetter da sa participar virtualmain a las sesidas dal Cussegl grond, premess ch'il quorum tenor l'artitgel 41 alinea 1 da la Lescha davart il Cussegl grond⁴⁾ vegnia cuntanschi.

² Ina commembra u in commember dal Cussegl grond po mo sa participar virtualmain a las sesidas dal Cussegl grond, sche er tut las suppleantas ed ils suppleants tenor l'artitgel 33 da la Lescha davart l'elecziun dal Cussegl grond⁵⁾ na pon betg sa participar fisicamain a la sesida pervia d'ina ordinaziun uffiziala u pervia d'in cas da forza superiura.

³ La commembra u il commember dal Cussegl grond sto inoltrar al Secretariat dal Cussegl grond a temp ina dumonda motivada per ina participaziun virtuala.

⁴ Las commembras ed ils commembers dal Cussegl grond che sa participeschan virtualmain a la sesida, han ils medems dretgs sco las commembras ed ils commembers dal Cussegl grond che sa participeschan fisicamain. La participaziun a tractativas secretas tenor l'artitgel 44 da la Lescha davart il Cussegl grond⁶⁾ ed ad elecziuns secretas tenor l'artitgel 58 alinea 1 da la Lescha davart il Cussegl grond⁷⁾ è esclusa.

⁵ Votaziuns na vegnan betg repetidas, sche motivs technics han impedi commembras e commembers dal Cussegl grond da s'exprimer u da votar durant la debatta.

⁶ Al Cussegl grond ed a la publicitad vegni communitgà, tge commembras e commembers dal Cussegl grond che sa participeschan virtualmain a la sesida.

Art. 66 al. 1 (midà), al. 1^{bis} (nov), al. 2 (midà)

¹ Dumondas pon vegnir declaradas ~~dal cussegl grond da la Conferenza da las presidentas e dals presidents~~ sco urgentas, sch'ellas ~~vegnan inoltradas il pli tard a la sesida d'avertura d'ina sessiun adempleschan tut las suandantas premissas:~~

a) **(nov)** ellas concernan in fatg actual che pretenda ina discussiun immediata;

⁴⁾ DG [170.100](#)

⁵⁾ DG [150.400](#)

⁶⁾ DG [170.100](#)

⁷⁾ DG [170.100](#)

b) **(nov)** ellas vegnan communitgadas a la Conferenza da las presidentas e dals presidents en furma d'in sboz en scrit e cun ina curta motivaziun da l'urgenza, e quai il pli tard il venderdi avant il cumenzament da la sessiun a las 12.00;

c) **(nov)** ellas vegnan inoltradas a chaschun da la sesida d'avertura da la sessiun.

^{1bis} Incumbensas pon vegnir declaradas da la Conferenza da las presidentas e dals presidents sco urgentas, sch'ina situaziun extraordinaria è avant maun e sch'ellas adempleschan las premissas da l'alineia 1.

² ~~Sche l'urgenza è concludida, Sch'i vegn~~ **concludi che** la dumonda **u l'incumbensa saja urgenta, sto ella vegnir** tractada en la medema sessiun.

Titel suenter Art. 75 (nov)

4.1^{bis} Resoluziun

Art. 75a (nov)

Procedura

¹ Il Cussegl grond tracta resoluziuns il pli tard en la segunda sessiun suenter l'inoltraziun.

² Per la procedura valan l'artitgel 65 e l'artitgel 66 confirm al senn.

II.

Naginas midadas en auters relaschs.

III.

Naginas aboliziuns d'auters relaschs.

IV.

Ils art. 11b, 14b, 48a e 48b UGCG entran mo en vigur, sche l'art. 45b LCG entra en vigur.

La Conferenza da las presidentas e dals presidents dal Cussegl grond fixescha il termin da l'entrada en vigur.